



**Geschichte der geistlichen Stiftungen, der adlichen
Familien, so wie der Städte und Burgen der Mark
Brandenburg**

[Urkunden-Sammlung für die Orts- und spezielle Landesgeschichte]

Riedel, Adolph Friedrich

Berlin, 1859

XXXVI. Kurfürst Joachim bekundet einen Vergleich des Amts Neustadt mit
denen von Kröcher zu Dreetz und Lohm wegen des Rodans, am 17. Mai
1540.

Nutzungsbedingungen

[urn:nbn:de:hbz:466:1-55003](https://nbn-resolving.org/urn:nbn:de:hbz:466:1-55003)

gedechtnus, zu lehne besessen vnd gebraucht haben. Vnd wir leihen den obberurten von Krochern, gebrudern vnd vettern, vnd iren menlichen leibslehnserven die angezeigten gutter, dorffer, jerliche pecht, tzins vnd renthe zu rechtem manlehen vnd gesampter hand, in crafft vnd macht dis briefs vnd also, das sie vnd ire menliche leibslehnserven die obgemelte dorffer, guther, jerliche pechte, zins vnd renthe hinforder mehr von vns, vnser erben vnd nachkomen Marggrauen zu Brandenburg zu rechten manlehen vnd gesampter hant haben, besitzen vnd gebrauchen, so oft not tut, die nehmen vnd entpfahen, vns auch daruon tun, halten vnd dienen sollen, als manlehens vnd gesampter handt recht vnd gewonheit ist, vnd leihen inen hiran alles, was wir inen von recht wegen doran verleihen sollen vnd mogen, doch vns, vnfern erben vnd funften idermenniglich an seinen rechten ane schaden. Zu vrkund etc. am tage trium regum, anno etc. im MDXL. jar.

Nach dem Schurm. Lehnscopialbuche Nr. 43.

XXXVI. Kurfürst Joachim bekundet einen Vergleich des Amtes Neustadt mit denen von Kröcher zu Dretz und Lohm wegen des Rodaus, am 17. Mai 1540.

Wir Joachim, von Gots gnaden marggraf zu Brandenburg — bekennen hiemit vnd thun kundt vor vns, vnser erben vnd nachkomenn, als sich eine lange zeit zwischen vnserm ampte zu Neustadt vnd vnfern lieben getreven Jacoben, Huprecht, Christoffel, Hansen vnd aller andern der von Krochern, gebrudern vnd vettern, zu Dretze vnd Luhme erbessen, der jacht, holtzwahr, flossgeldes, auch anderer gerechtigkeit vnd aufhebens wegen mher vf dem Rodhan, zwischen Rein vnd Doffen gelegen, vnd sonderlich vf der Gulitzer vnd Siuerfsdorffer feltmarcken irrungen vnd gebrechenn gehalten, darin zu gruntlichem bericht vnd ausfurung des handels beiderseits zeugnus vorfurt, welche zeugnus wir durch vnser rethe besichtigen vnd erwegen lassen: also haben wir vns darauf wegen vnser ampts Newstadt mit obgedachten Krochern mit irem guttenn wissen vnd willen folcher aller irrungen wegen gentzlichen vnd zu grunde vortragen vnd vereinigt, wie volget. Also, weil das eygenthumb gemelts orths, sonderlich der Siuerfsdorffer vnd Gulitzer feltmarcken allewege hievor zu vnserm ampte Newstadt gehorig gewesen, soll es nachmals ewiglichen dabey seyn vnd bleiben. Nachdem de weilandt der graffen zu Ruppın bei irem leben, laut beiderseits vorfurten gezeugnus, zu irer gelegenheit vnd gefallen vf obgemelten orthe zwischen Reyn vnd Doffenn, sonderlich vf der Gulitzer vnd Siuerfsdorffer feltmarcken gejagt, vnd die von Krochern solchs mitgeduldet, soll es hinfurt mit folcher jagt also gehalten werden, das in vnserm gefallen stehen soll, das wir des orths jagen oder jagen lassen mogen, wie die graffen gethann. So mogen sich die Krochernn folcher jagt darauf auch, wie vor alters, vnser oder vnserer ampteleute zur Newstadt vngehendert gebrauchen, also das kein teil dem andern soll irrung oder eintragk thun. Aber die holtzwahre, holtzung von mhergedachten orthe zwischen Doffen vnd Reyn, das flossgelt von eichen, eschen vnd essen holze, die gerechtigkeit vom bawholtz zu sellen, auch hopffen vnd nufshware, sollen den Krochern alleine durch die leuthe von Siuerfsdorff vnd andere, wie vor alters, gegeben werden,

vnd die amptleuthe zur Newstadt daran nicht hindern. Damit dan das vierden theils ein schweins oder der rebe halb, so die leuthe zu Siuerfsdorff bisweilen zu stracke oder sonst zu schlagen oder zu fangen gepflegt, weme die gehore solten, nicht weitere irrungen vorfallen mochten, wollen wir, das gemelte leuthe zu Siuerfsdorff hinfuro wider stracke noch sonst kein schwein oder rebe mber schlagen, auch, wan sie zu holzte farn, keine hunde mit sich nehmen sollen; vnd wo sie hieruber schwein oder rebe schlagen wurden, sollen sie in vnser straffe gefallen sein, die wir auch von ine werden zu erfordern wissen. Hiedurch sollen solche irrungen, mangel vnd was darauß weiter entstanden, entlichen verglichen vnd hingelegt sein vnd bleiben, sich auch alle teil dieses also haltenn treulich vnd vngenerlich. Des zu vrkunt mit vnserm anhangenden ingesiegel versiegelt vnd geben zu Coln an der Sprew, montags in den heiligen pfingsten, nach Christi vnser lieben hern geburt tausent funffhundert vnd im viertzigsten jare.

Georg von Breittenbach,
Doctor, Cantzler.

Nach einer alten Abschrift im Geheimen Staats-Archiv.

XXXVII. Die von Kröcher zu Dreeß und Lohm verkaufen eine halbe Hufe zu Niendorf bei Seehausen an einen Bürger daselbst mit Vorbehalt einer jährlichen Pacht und einer Vergütung des Zehnten, am 25. Juni 1542.

Wy Lippolt, Jochim, Jacob, Huprecht, Stillentin, Christoffer, Mauritze, Jeronimus vndt Hans, alle von Kroechern, gebroedere vndt gefeddern, tho Lome vndt Dreetze erffeten, bekennen vor vns, vnse eruen vndt nachkommen vndt suelt vor jedermannlichen, dat wy eindrechtlichen vorkostt hebben vndt iegenwerdigen vorkoepen, in vndt mit krafft duesses brieues, dem vorsichtigen Christoffer Schulten, burgern tho Seehusen, Annen, finer ehelicken hufsfrowen, ihren eruen vndt erues nachkommen den eygendom vnser haluen houn landes im velde tho Nyendorp in der stadt Seehusen gerichte, twischen der erbarñ von Barlewischen haluen houn vndt der Quadtsafeln houn gelegen, dartho den tegeden, den teinden sich alles vndt iegliches korns dersuelsten haluen houn, den etwan Peter Degener darfuelest tho Seehusen gefuert vndt gebrucket. Vndt solchen eygendom bemelter haluen houn guter Christoffer Schulte vor sich vndt die sinen vns obtenden von Kroechern, vnsern eruen vndt erues nachkommen an vnser stath achte marck stendelsch houetsum genugsam entrichtet vndt vorgnuget, die wy entfangen vndt gedachten Christoffer Schulten vndt sine mitbenoemenen darvon quitirn. Vndt edt schoellen bemelter Christoffer Schulte, Anne, sine ehelicke hufsfrowe, oehre rechte eruen vndt erues nachkommen solcher haluen houn sich eygentlich gebrucken, allenthaluen begaden, ackern vndt der fruechte geneten, vthgenamen den tegeden alles korns, vndt vns daruoer alle ihar vp Martini viiff pundt penninge stendelscher wehringe tho pachte ahne iennige vorthoegeringe vndt inrede entrichten vndt vorgnuegen. Auer der tegeden der suelsten haluen houn willen wy vns, vnser eruen vndt nachkommen mit gedachten Christoffer Schulten vnd